

www.e-rara.ch

Novveavté Dv Papisme, Opposée À L'Antiqvité Dv Vray Christianisme

Du Moulin, Pierre

A Geneve, M. DC. XXXIII

Zentralbibliothek Zürich

Shelf Mark: RRe 65

Persistent Link: <https://doi.org/10.3931/e-rara-49498>

Chapitre XIV. Du baptesme de l'empereur Constatin, dont est fait mention en ceste mesme donation.

www.e-rara.ch

Die Plattform e-rara.ch macht die in Schweizer Bibliotheken vorhandenen Drucke online verfügbar. Das Spektrum reicht von Büchern über Karten bis zu illustrierten Materialien – von den Anfängen des Buchdrucks bis ins 20. Jahrhundert.

e-rara.ch provides online access to rare books available in Swiss libraries. The holdings extend from books and maps to illustrated material – from the beginnings of printing to the 20th century.

e-rara.ch met en ligne des reproductions numériques d'imprimés conservés dans les bibliothèques de Suisse. L'éventail va des livres aux documents iconographiques en passant par les cartes – des débuts de l'imprimerie jusqu'au 20e siècle.

e-rara.ch mette a disposizione in rete le edizioni antiche conservate nelle biblioteche svizzere. La collezione comprende libri, carte geografiche e materiale illustrato che risalgono agli inizi della tipografia fino ad arrivare al XX secolo.

Nutzungsbedingungen Dieses Digitalisat kann kostenfrei heruntergeladen werden. Die Lizenzierungsart und die Nutzungsbedingungen sind individuell zu jedem Dokument in den Titelinformationen angegeben. Für weitere Informationen siehe auch [Link]

Terms of Use This digital copy can be downloaded free of charge. The type of licensing and the terms of use are indicated in the title information for each document individually. For further information please refer to the terms of use on [Link]

Conditions d'utilisation Ce document numérique peut être téléchargé gratuitement. Son statut juridique et ses conditions d'utilisation sont précisés dans sa notice détaillée. Pour de plus amples informations, voir [Link]

Condizioni di utilizzo Questo documento può essere scaricato gratuitamente. Il tipo di licenza e le condizioni di utilizzo sono indicate nella notizia bibliografica del singolo documento. Per ulteriori informazioni vedi anche [Link]

CHAPITRE XIV.

Du Baptisme de l'Empereur Constantin, dont est fait mention en ceste mesme donation.

Combien qu'il n'importe pour la primauté du Pape, par qui Constantin ait esté baptisé, toutesfois les faulxaires dont le Pape a emprunté la main, ont creu que cela seruiroit à augmenter la reuerence des peuples enuers le siege Papal, si on croyoit que le premier Empereur Chrestien a esté baptisé par le Pape Romain d'une façon miraculeuse.

En ceste Donation est recité que Constantin estant couuert de lepre, on ordonna vn bain de sang de petits enfans pour sa guerison. Mais qu'estant touché de compassion par le cri des meres de ces enfans, il ne voulut se seruir de ce remede: & que la nuit suiuite S. Pierre & S. Paul luy apparurent en songe, qui l'aduertirēt qu'il enuoyast querir Syluestre Euesque Romain, qui estoit caché en vn trou du mont Soracte par crainte de la persecution que Constantin auoit esmeuë contre les Chrestiens, lequel Syluestre luy feroit vne autre sorte de bain auquel il receuroit guerison. Il enuoya donc querir Syluestre, auquel il demanda, quels Dieux estoient Pierre & Paul entre les Chrestiens: Puis receut de Syluestre le Baptisme, dont il fut gueri. Ceste fable est tirée de la legende fabuleuse de Syluestre, que Baronius appelle les Actes de Syluestre, dont on ne scait l'auteur. Le Pape Adrian I. aussi recite ceste fable en la premiere Action du second Concile de Nicee 360. ans depuis la mort de Syluestre.

Faut scauoir que Baronius, qui reçoit ceste fable pour chose vraye, met ce Baptisme en l'année 19. de Constantin, dix huit ans deuant sa mort en l'an du Seigneur 324. Ayant mieux aimé adiouster foy à ces Actes de Syluestre, que luy mesme recognoist estre fort falsifiés & corrompus, qu'au tesmoignage de tant d'auteurs anciens, qui d'un accord tesmoignent que Constantin a esté baptisé aux fauxbourgs de Nicomedie en Bithinie, par Eusebe Euesque de la dite ville, peu de iours auant sa mort.

Eusebe de Cesaree familier de cet Empereur, sur la fin du 4. liure de la vie de Constantin, recite qu'estant malade aux fauxbourgs de Nicomedie, il appella les Euesques, & leur dit qu'il l'estoit pieça proposé de se faire baptiser au fleue du Jordain, où le Sauueur a esté baptisé: Mais que voyant que Dieu en dispoſoit autrement, il les prioit de luy conferer le baptisme: ce qu'ils firent à l'instant, peu auant que cet Empereur rendist son ame à Dieu. A quoy Baronius respond qu'Eusebe estoit ennemi de l'Eglise Romaine & Arien, & qu'il a controuuë ceste fable. Certes Eusebe en tous ses escrits ne donne aucun signe d'inimitié contre l'Eglise Romaine. Mais ce qui greue nos aduersaires, est, qu'estant le plus ancien & le plus celebre historien Chrestien, il ne defere à l'Euesque de Rome aucune primauté, & parle de luy comme d'un autre Euesque, & improue l'action de Victor, qui pour vn different touchant le iour de Pasques, seſt séparé de la communion de l'Eglise Orientale.

Mais que peut-on dire contre S. Hierosme, lequel en son Chronique

parle

fatle ainsi. * Constantin à la fin de sa vie estant baptisé par Eusebe Euesque de Nicomedie panche vers l'Arianisme.

S. Ambroise dit le mesme en l'oraison sur la mort de Theodose: † Auquel Constantin, combien que la grace du baptesme conferé à l'article de la mort ait remis tous les pechés; &c.

Socrates au 39. chap. du 1. liure de son histoire: * Constantin partit de Helenopolis, & vint à Nicomedie, & là estant logé au fauxbourg, il receut le baptesme de la religion Chrestienne.

Theodoret au 32. chap. de son histoire: † Constantin estant à Nicomedie deuint malade, & scachant l'incertitude de la vie humaine, receut le don du sacré baptesme, lequel il auoit differé iusqu'à ce temps là, desirant de le receuoir au fleuue du Iordain.

Sozomene au dernier chapitre du 2. liure: * Constantin fut porté à Nicomedie, où estant aux fauxbourgs il fut consacré du saint baptesme.

Quoy plus? vne multitude d'Euesques assemblee à Rimini, escrit ainsi à Constantius fils de Constantin, Estant mort, apres auoir receu le baptesme & transporté au repos qui luy estoit reserué: Ils parlent de la mort de Constantin. Ceste Epistre se trouue † en Socrates liu. 2. chap. 29. & en Sozomene liu. 4. chap. 17.

Tant de tesmoins proches du temps de Constantin, doiuent ce me semble estre plustost creus qu'vne legende fabuleuse de Syluestre, dont on ne scait l'auteur, & laquelle Baronius reconnoist estre remplie de faussetés.

Est à noter que Constantin a embrasé la foy Chrestienne l'an du Seigneur 312. & que depuis sa conuersion il n'a cessé de bien faire aux Chrestiens. En ceste mesme année il publia des edicts en faueur des Chrestiens, octroya des immunités aux personnes Ecclesiastiques, & soulagea de ses propres deniers ceux qui auoyent esté persecutés par Maxentius & Maximin, comme on peut voir en Eusebe en la vie de Constantin.

En l'an du Seigneur 313. les Donatistes appellerent à Constantin, comme à vn Empereur Chrestien, lequel leur donna des Euesques pour iuges, & fit assembler vn Concile à Arles.

En l'an 318. ayant veincu Licinius cruel persecuteur & estant seul possesseur de l'Empire, il esleua par tout en richesses & honneur la religion Chrestienne; se mit à bastir des Eglises magnifiques, & donna aux Chrestiens les temples des payens, & n'a cessé depuis d'estre promoteur de la religion Chrestienne de laquelle il faisoit profession.

Accordez tout cela avec le narré fabuleux du Baptesme de Constantin par Syluestre, selon qu'il est recité en la Donation de Constantin. Car ce Baptesme s'estant fait (si on croit Baronius) l'an 324. du Seigneur, c'est à dire douze ans apres la conuersion de Constantin, neantmoins en ceste donation l'Empereur parle comme ayant receu le baptesme incontinent apres sa conuersion au Chritianisme, & comme ayant esté tousiours payen iusques là: disant, Les Dieux des Gentils lesquels i'ay serui iusques icy sont diables: & comme ayant si peu de cognoissance de la religion Chrestienne, qu'il ne scauoit pas si S. Pierre & S. Paul estoient des Dieux ou des hommes. Ce qui repugne à la profession Chrestienne qu'il auoit fait douze ans auparauant, avec tant de zele & de fermeté: & à ce que dit Baronius, que Constantin dès son en-

* Constantinus extremo vitæ suæ tempore ab Eusebio Nicomediensi baptisatus in Arianum dogma declinat.
† Cui licet baptismi gratia in vicinis constituto, omnia peccata dimiserit.
* ἀντίπερ ὅτι τῆς ἐλευθερίας ἐστὶν τοῦ εὐαγγελίου καὶ ἐν αὐτῷ εἶπε Ἀλέξανδρος Χριστιανισμὸς μεταλλάξεσθαι βαπτιστοῦτος.
† ἐν νεκροῦ δὲ τῆς βαπτιστοῦτος εἶπε τῆς βαπτιστοῦτος Ἀλέξανδρος ἠρρώσθητο δὲ τῆς αἰθρητικῆς βίωσιν ὅτι ἀδύλον ἐπιστάτω ὁ Θεὸς εἶπε βαπτιστοῦτος ἄλλοθεν ἰδέσθαι.
* διενεμήθη ἐν νεκροῦ δὲ τῆς αὐτῶν εἶπε Ἀλέξανδρος ἐμνήθη τῶν ἐπιπέβω βαπτιστοῦτος.
† Socrat. lib. 2. c. 37.
ἐπὶ τοῦ δὲ αἰετῆς αἰθρητικῆς ἐξήνετο βαπτιστοῦτος ἐν τῷ ἰσοδομῆν ἢ ἐπιπέβω ἀνεμνήθη.

Dij gentium quos v' que habentus colui sunt damonia.

fance auoit eſté inſtituit en la religion par Helene ſa mere.

Voici pis: Car en ceſte narration du bapteſme de Conſtantin fait (comme veut Baronius) en l'an du Seigneur 324. il eſt parlé de cet Empereur, comme d'un perſecuteur, qui auoit perſecuté l'Egliſe auant ſon Bapteſme: tellement que Sylueſtre Eueſque de Roine, fut contraint de ſe cacher en vne grotte du mont Soracte, pour euitter la perſecution. Quelle apparence que Conſtantin ſe ſoit mis à perſecuter l'Egliſe lors qu'il eſtoit Chreſtien, & douze ans apres ſa conuerſion en la foy? Veut principalement que lors qu'il eſtoit Payen il ne l'a iamais perſecutee? Pourroit-on produire vn ſeul homme qu'il ait fait mourir, ou banni, ou deſpouillé de ſes biens pour la foy Chreſtienne? De telles contradictions abſurdes ſ'enueloppent ceux qui ont loé leur plume au Pape, & auxquels toutes fables ſont bonnes, pourueu qu'elles ſeruent à l'exaltation de ſon Empire.

CINQUIEME

